

He pikitia me ngā mokamoka hei hoa haere mō
Ngā Tangi o Te Tuawhenua



He aha tērā tangi?



Te Puka mō Eardrop

Haere mai! Nau mai ki Eardrops!

Whakarongo mai, ka whakatōmene tahi ai tātou i tēnei ao! Ia rā, he wā ka kite, ka rongorānei i tētahi mea hou. Nā wai tēnei tangi? He aha te ingoa o tērā mīhini hoihoi? He taupa kore ngā haerenga e tatari ana ki a tātou. Hoake tātou!


Ka whakanui ngā pakiwaitara a Eardrops i ngā tangi me ngā reo o tō tātou ao. He mea waihanga **Ngā Tangi o Te Tuawhenua** e pai ai tā tātou ako i ngā tangi ake o te tuawhenua. Ka ako ngā tamariki i ngā kupu ki te whakaingoa me te whakaāhua i ia tangi. He mea waihanga hoki te raupapa o te pakiwaitara hei whakapiki i ngā pūkenga whakarongo.

Ka whakamana te Kamupene Eardrops i ngā tamariki mā ngā pakiwaitara ngahau, kounga anō hoki, 'e tūtaki ai ō rātou taringa ki te ao'. He kōrero anō i **eardrops.co.nz**.

Ko wai a Eardrop?

He tamaiti kaihōpara
a Eardrop e hiahia ana
ki te hōpara i te ao. Ka
whakarongo a Eardrop
me ōna taringa pūhou.
Ka kata tō tamaiti, ka
patapātai, ka ako tahi
hoki ki a Eardrop i runga i
Ngā Tangi o Te Tuawhenua.

.....



Te Rārangi Oro mo Ngā Tangi o Te Tuawhenua

01	Te Waiata a	16	Rakiraki
	Eardrop	17	Poraka
02	Tarakihana	18	Paru
03	Kaipāmu	19	Kuihi
04	Kēti	20	Waka Pāmu
05	Te Hau	21	Ngeru
06	Manu	22	Hōiho
07	Kurī	23	Nanekoti
08	Poaka	24	Āporo
09	Heiheī	25	Mīhinikani
10	Tame Heiheī	26	Topea
11	Kau	27	Rakurakungia
12	Motopaika	28	Pī
13	Hipi		
14	Korukoru		
15	Te Ua		





29 Kēmu Whakopoe

He pai ki a koe te tākaro i tetahi kēmu ngahau?

Whakarongo ki Ngā Tangi o Te Tuawhenua, ka āta tīpako i ngā tangi ka rangona ki ngā āhuahanga e rārangi ake nei.

Me tīmata
i konei





Mahi tika ana!
Ka pai koe ki te whakarongo!

Ka pēhea te mahi o ngā pakiwaitara Eardrops?

I **Ngā Tangi o Te Tuawhenua**, ka whakamahia tētahi whakatakoranga i hangaia mai me ētahi mātanga kia pai ai te āta whakaako i te tamaiti.

Ko te taumata reo o ngā pakiwaitara a Ngā Eardrops kei te taumata tuatahi, te taumata tuarua hoki (ko ngā taumata e hāngai ana ki ngā tamariki e ako ana ki te kōrero) me ētahi rautaki ako ngāwari (pēnei i te rerenga “Ka kai pātītī ngā kau”). Ka rangona motuhaketia ia tangi hei akiaki i te kaiwhakarongo ki te whakarongo tonu, nāwai, nāwai, ka piki ngā pūkenga whakarongo o te tamaiti kia pai ai tana arotahi me te aro mau roa, waihoki te ako nā wai, nō hea rānei tētahi tangi.

E rere ana ngā mihi mōu i aro mai ki Ngā Tangi o Te Tuawhenua.
He rauemi ngahau, he rauemi whai take i hangaia mai i roto i te aroha ki ā tātou tamariki.

Ngā Kaimahi

Ngā reo kiripuaki / Eardrop: Naomi Toilalo **Te Kaipāmu:** Whatanui Flavell
Kaihanga Eardrops, Kaiwhakaputa: Liz Donnelly **Kaitohu:** Casey Kaa **Kaihanga Oro:** Phill Woollams
Ngā whakamāori: Hania Douglas, Juneea Silbery **Kaihoahoa Pikitia:** Polly Joseph
Ngā Mahi Toi: Brent Chambers **Kaihanga Pūoro:** Tom O’Carroll **Ringatohu Oro:** Roger Green

E mihi ana ki o Tim Pritchard, Kaye me Alan Donnelly, Hineani Melbourne, Cam Swainson-Whaanga, Rachel Daniels, me te whānau o Lizzy, me āna hoa hoki. Tēnā koutou i tautoko mai.

He mea whakaputa te pakiwaitara nei nā te pūtea tautoko o te Karahipi AMP. Tēnā rawa atu koutou, AMP!

Me mihi hoki ki ngā whānau katoa e tautoko ana i te kaupapa o Eardrops, me ngā ūmanga iti o Aotearoa.

He rauemi Ngā Tangi o Te Tuawhenua hei āwhina i tō tamaiti ki te ako

• **Ki te whakapiki i ōna pūkenga reo.** Whakarongo ki Ngā Tangi o Te Tuawhenua me tō tamaiti, me te akiaki i a ia ki te tōai i te ingoa o ia tangi ka rāngona. Whakanuia hoki te tamaiti i a ia e whakamātau ana i ēnei mahi.

• **Ki te whakapiki i ngā pūkenga whakarongo.** Hei rautaki whakapiki pūkenga whakarongo, whakamāramahia atu he aha te whakarongo, ka āta akiaki i te tamaiti kia aro ki te tangi ka whai ake.

• **Titiro, whakarongo.** Āpitihia atu ngā pūkenga whakarongo mā te whakamahi i te mahere me ngā pikitia o te puka. Tohua ngā pikitia ki te rongo koe i te tangi. (Tōia iho ētahi atu pikitia i te pae tukutuku, i eardrops.co.nz)

• **Tākaro, whakarongo.** Mā te tākaro ka ako! Penapenatia te hinengaro auaha o tō tamaiti mā te kōrero me te whakaari i ngā tangi i a kōrua e whakarongo ana. He reka ki te tamariki te mahi pohewa auaha, ka mutu ka ngahau kē atu ki te mahi hoki te pakeke!

• **Whakapiki pūkenga whakawhitiwhiti korero.** E rua tekau mā waru ngā tangi rerekē i Ngā Tangi o Te Tuawhenua. Whakamahia ēnei tangi ki te whakakōrero i a kōrua - kōerotia ngā mihini, ngā kararehe me ngā kaupapa o ngā kōrero. Kia kaha te kata tahi, kia kaha te whakarongo tahi!

• **Tōaitia ngā kōrero.** He maha ngā wā me rongo, me kite rānei e te tamaiti tētahi tangi, tētahi kupu, tētahi whakaaro, kia mōhio pai ai ia ki taua mea rā. Kia kaha te whakatangi i te pakiwaitara. He roa te ara ako reo, ā, me kaha te haratau a ngā tāngata ka ako mā te whakarongo.

• **Ko te mea nui kia ngahau te karawhiu!**

Raranga - te toi rongonui raranga i te harakeke,
he tohu whakakotahitanga, he tohu whānau hoki
- te raranga i ngā tamariki ki roto i te whānau,
te raranga i te whānau ki roto i te hāpori. I
rarangatia te pakiwaitara nei me te whakaute
nui ki te reo Māori me te aroha nui ki ā tātou
tamariki - ā tātou kuru pounamu, te anamata.

E toro ki te pae tukutuku o eardrops.co.nz
mō ētahi rauemi reo, rauemi whakarongo,
me ētahi anō kōrero mō ngā hīkoitanga a
Eardrop. **He whakatūtaki i ngā taringa o
ngā tamariki ki te ao!**



He mea rēhita te kaupapa o Eardrops i raro i te mana tāpui o The Eardrops Company Limited.